

西陲竹枝詞

西陲竹枝詞序

程振甲撰

白玉門以西秋氣盈抱商聲滿耳天似穹廬聞勅勒之歌
地當甌脫按鮮卑之語在昔黃虜行酒之什赤驥呈材之
辭騷客善懷懷何能已則有祁君鶴臯者以石渠著作之
彥適輪臺廣莫之鄉耳目所治發爲文章典冊所遺值于
俄頃疇昔寤言虛傳泐澤之水今也出遊屢遠昆侖之墟
此西陲竹枝之作所由來也夫其大去鄉國遠適異徼依
倚宛馬追隨皂鵬經闢展之穴則天風落衣過祁連之山
則古雪照面新蟾耿于朔牖列象燦乎宵明引領南望蔽
于瓜沙窮日西逐亘以蔥嶺於是導言泉之富振意葢之

繁紀其疆索首十又六城條諸沿革歷五十餘國與夫境
俗之優薄產載之區品川塞之基源氣節之通隔莫不宛
轉附物怙悵切情嗚呼祁君之詩可以觀矣且士大夫局
于跬步侈言臥游目未覩冰谷火井之奇手未披樹槐刻
箭之奧是以話金河之重源則駭聞列星攷窮石之餘波
則誤指半月其他屬國所隸都護所屯安能證其懸褫增
成故實哉亦有握尺一之符統萬衆之師勞心于屯田詰
戎息意于模山範水則亦未遑奮清鏘之管爲混沌書眉
搜宛委之編爲鑿空補注彼神怡而務閑慮周而藻密者
我儀其人蓋祁君也至于

皇威之普土宇之恢誦此詩者北戍之北共戴撐犁之高
西瀛以西羣占干呂之氣將見價重黃龍戶藏白璧矣飛
行有日跂予望之

西陲竹枝詞小引

歌咏之作曰情曰景西陲遠在塞外果有何景可摹何情可寄然而天地之大萬物之變書冊所載猶欲裒集叅稽以廣異聞若既有所見而顧無一言以紀之可乎况龍沙萬里久入版圖遊斯土者見夫城郭人民之富庶則思

德化覃敷怙冒罔極見夫陵谷藪澤之廣大則思山經水注掛

漏殊多見夫物產品彙之繁滋則思雪海崑墟瑰奇不少每有所觸情至而景卽在是豈必模山範水始足言景弄月吟風始足言情哉塞廬讀書之暇涉筆爲韻語得一百首聊自附於巴渝之歌首列十六城次鳥獸蟲魚次草木

果蕪次服食器用而終之以邊防夷落以誌西陲風土之
大畧詞之工拙有所不計惟紀實云歲在戊辰如月前史
官壽陽祁韻士鶴臯甫謹題

西陲竹枝詞 一百首

宮保將軍松湘浦先生鑒定 前史官祁韻士鶴臯藁

哈密

玉門積遠度伊州

唐伊州地

無數瓜哇望裏收天作雪山隔南

北

天山俗呼雪山新疆南北兩路以此山分界

西陲鎖鑰鎮咽喉

土魯番

黑風川盡柳中過

所屬闕展為漢柳中

酷熱如燒喚奈何

其地極熱獨喜

人稱安樂國

土魯番為安樂城

此間物產本來多

喀喇沙爾

行國王庭繞幕瓊

乾隆辛卯土爾扈特全部歸順封汗爵令在珠勒都斯游牧

開都河

西陲竹枝詞

畔慣游畋可汗却恨歸降晚日月恬熙四十年

庫車

古堞猶傳定遠遺

相傳城為班定遠故址

安西四鎮首龜茲

唐滅龜茲置安

西都護于此為四鎮之首輪迴經寫唐人筆佛洞穹窿石壁奇

阿克蘇

邊城歲歲樂豐年秋日黃雲被野田

各城回民皆習樹藝之事

土著頭

人衣帽整紫騮腰跨鹿皮韉

烏什

閶闔風宣萬里疆專城撫馭鎮天方藩王入侍長安邸

乾隆

乙亥同日霍集斯投誠封王曾畱居京師

禾黍會無故國傷

葉爾羌

昔年西海戮鯨鯢

乾隆己卯平定回部

自奉車書靜鼓鼙都會爭趨

葱嶺畔

葱嶺在葉爾羌境內

遠方珍異集雕題

和闐

黑探仍是漢于闐

同人稱漢人為黑探即和闐之訛

靈秀山川得地偏河

水濫觴經過處天生美玉勝藍田

和闐水中產玉子即古撈玉河也

英吉沙爾

重重遠戍見煙霏雪霽春融百草肥大食遺民歌鼓腹瓜

囊雜飽倚斜暉

各城並產甜瓜同人呼麩餅為囊二物每相和食之

喀什噶爾

雲開秦海望西池城保遙連接塞陲莫數漢家三十六懷

柔早已極條支

此地為南路極邊接布魯特及安集延巴達克山諸部落

巴里坤

西北由來古戰場即今式廓靖巖疆陰山剩有穹碑在

松樹

塘達巴罕有唐貞觀十四年討高昌碑

猶帶松風卧夕陽

古城

但知直北接金山

北界科布多城與阿爾台山相近

漢址唐基合就刪城

何代所遺無確據

殘雪幾峯吹不落迎風飛上白雲間

烏魯木齊

瑩沙嶺北問王庭

漢車師後王庭地

絕巘排空擁翠屏

博達克山在城東南

三峯揮天
聳秀若屏
郡縣久經成
腹裏輪臺舊
蹟草青青

庫爾喀喇烏蘇

東南隔戶啟穹廬
向日回思叩角初
土爾扈特王在此游牧
犝馬名

王依黑水牛羊徧野樂安居

塔爾巴哈台

戎索烏孫盡故墟
附近伊犁一帶皆漢烏孫故地
拓將土宇到康居
西北接哈

薩克部落
即漢康居
北方漫說無雷國
哈薩克北界
案角還歸隴種

餘

伊犁

伊麗曾聞屬定方
漾池碎葉路茫茫
投鞭直斷西流水
伊犁

西陲竹枝詞

河水西流卽唐伊麗水永始信當年我武揚乾隆乙亥平
徽中蘇定方討突厥至此定準噶爾

陽關

千古傷心送客亭今來驛路不曾經沙州東望陽關道玉
關及陽關皆在今敦煌縣自有春風塞草青
境非驛路所經玉門縣也

戈壁

目斷龍堆寸草枯尋常鴉鵲鳥還無橫空隔絕幾千里西安
州至哈密哈密至土魯番不信迤西有奧區
沙磧極遠所謂瀚海也

天山

三箭爭傳大將勲祁連耳食說紛紛祁連山卽天山自張掖以西際于葱嶺綿
亘數千里橫跨南北兩路漢書所謂中原多少青山脉鼻
南山北山皆是未可以一地名之

祖還看就此分

黑水

莫作雞山故蹟求大通支派在瓜州

黑水出哈密境東南流至河州入黃河即

今瓜州大通河舊謂出甘州非是

誰言積石能飛越暗渡黃河向海流

此

貢雍州黑水與入南海之黑水非出一地

河源

張騫昔祇到烏孫都實重來認火敦

星宿海在青海境內

未識蒲昌

猶赴壑那知地脉起崑崙

漢書言河有重源一出葱嶺一出于闐其說最古

蒲昌海

滔滔滙合水西來鹽澤亭居暗溯洄

蒲昌一名鹽澤今名羅卜諾爾在土魯番

九曲崑墟何處是莫將星宿漫相猜有謂星宿海卽羅卜諾爾者不知兩路相
去尙遠

冰嶺

巨嶺摩天盡是冰蒙古語呼為穆蘇爾達罕在伊犁阿克蘇之間日光山色映

千層玲瓏雪窖深無底繭足盤旋履戰兢

葦橋

葦葦叢生野水邊土橋古徑尙依然葦橋見漢書在今喀喇沙爾雁羣

急自蘆中起西向飛飛入遠天

火山

冰山雪海界將交赤地洪鑪鼓異颶土魯番東有呼為火燄山者卽明火州之

地難執陰陽殊氣解熱來無晝亦無宵

苦水

渴際誰甘飲盜泉生憎滴水苦茶煎葫蘆車上朝朝掛戈壁

乏水有亦極苦行人每貯水 昏暮求人便值錢
葫蘆中掛于車上渴則飲之

鹽澤

廣斥何須問海濱不毛土半白如銀烏魯木齊之南鹽池凡二他城亦多有之

鹹鹺自足供民用關塞稀聞淡食人

雪水

良田十斛祝豐饒天賜三冬雪水澆塞外雨少雪大每至盛夏雪化為水田中

資其灌漑麤作溝塍誰盡力功成事半樂逍遙

柴墩

墩柵層堆老樹柴壁間熊虎雜弓鞞平安烽火今無用相傳

為岳將軍野戍猶看歷歷排

風穴

履穴方知猛則苛土魯番之東三間房至十三間房有怪風難行明史稱為黑風川者是到

來人有戒心過封姨不是無情侶誰遣妖氛作路魔

柳樹泉

皮存僅剩劫餘灰噴玉跳珠混混來歲歉歲豐皆可卜天

然一孔好傳杯泉有二一在陽薩爾軍台一在烏什城南

豐少則歉云

風戈壁

漫空雪陣欲埋人不死
蚩尤作轉輪
蝟縮魂消舒爾漢

風雪

謂之花牛犢子漫言神
或言舒爾漢起必有小花牛見其說詢之無據

賽里木海子

澄波不解產魚鰕飲馬何曾問水涯
塞外海子不一此則在伊犁三台者尤清

泓可愛但水鹹不堪飲馬耳
碧草青松看倒影
蔚藍天遠有人家

果子溝

陰濃萬樹欲參天
伊犁塔爾奇山谷中林木極盛
疊嶂層峯起馬前
買夏

論園何足道
谷量百果露初鮮

圍場